

四庫全書

集部

欽定四庫全書

竹莊詩話卷九

六一居士

雪浪齋日記云或疑六一居士詩以為未盡妙以質於子和子和曰六一詩只欲平易耳

荊公語錄云或曰歐陽文忠公亦好奇巧公曰不然猶轉積水於千仞之溪其清快孰能禦之又曰歐陽公自韓吏部以來未有也辭如劉向詩如韓

愈而功妙過之

延漏錄云予嘗以師禮見參政歐公修因論及唐詩謂杜子美才出人表不可學學必不至徒無所成故未始學之韓退之才可及而每學之故今歐詩多類韓體

六月十四夜飛蓋橋翫月

漁隱叢話論此詩云歐公作詩蓋欲自出胸臆不肯蹈襲前人亦其才高故不見牽強之迹耳

天形積輕清水得本虛靜雲收風波止始見天水性澄  
光與粹容上下相涵映乃於其兩間皎皎掛寒鏡餘輝  
所照耀萬物皆鮮瑩矧夫人之靈豈不醒視聽而我於  
此時翛然發孤詠紛昏所洗滌俯仰恣涵泳人心曠而  
閒月色高逾迥惟恐清夜闌時時瞻斗柄

盤車圖

西清詩話云丹青吟詠妙處相資昔人謂詩中  
有畫畫中有詩者蓋畫能狀而詩人能言之

唐人有盤車圖畫重岡複嶺一夫馳車山谷間  
永叔賦詩坡長坂峻牛力疲天寒日暮人心速  
且畫工意初未必然而詩人廣大之乃知作詩  
者徒言其景不若盡其情此品題之津梁也

王直方詩話云古畫畫意不畫形梅詩詠物無隱  
情忘形得意知者寡不若見詩如見畫余以為若  
論詩畫於此盡矣每誦過殆欲常以為法也

淺山嶙嶙亂石矗矗山石硤聲車碌碌山勢盤斜隨澗

谷側輒傾轅如欲覆出乎兩崖之隘口忽見百里之平  
陸坡長坂峻牛力疲天寒日暮人心速楊裒忍饑官太  
學得錢買此纔盈幅愛其樹老石硬山回路轉高下曲  
直橫斜隱見妍媸嚮背各有態遠近分毫皆可辨自言  
昔有數家筆畫古傳多名姓失後來見者知為誰乞詩  
老聊稱古述古畫畫意不畫形梅詩詠物無隱情忘形  
得意知者寡不若見詩如見畫乃知楊生真好竒此畫  
此詩兼有之樂能自足乃為富豈必金玉名高貲朝看

畫暮讀詩楊生得此可不饑

半山老人

後山詩話云荆公詩力去陳言夸末俗可憐無補  
費精神而公平生文體數變暮年詩益工用意益  
苦故言不可不謹也

石林詩話云荆公詩用法甚嚴尤精於對偶嘗云  
用漢人語止可以漢人語對若參以異代語便不  
相類此格惟公用之不覺拘窘卑凡

桃源行

高齋詩話云荆公此詩追配古人

望夷宮中鹿為馬秦人半死長城下避世不獨商山翁  
亦有桃源種桃者此來種桃經幾春採花食實枝為薪  
兒孫生長與世隔雖有父子無君臣漁郎泛舟迷遠近  
花間相見驚相問世上那知古有秦山中豈料今為晉  
聞道長安吹戰塵春風回首一霑巾重華一去寧復得  
天下紛紛經幾春



歲晚

謾叟詩話云荆公定林後詩精深華妙非少作之比嘗作歲晚詩自以比謝靈運議者亦以為然

月映林塘靜風涵語笑涼  
俯窺憐淨淥小立佇幽香  
攜幼尋新的扶衰上野航  
延緣久未已歲晚惜流光

絕句

山谷云荆公暮年作小詩雅麗精絕脫去流俗每諷味之便覺沆瀣生牙頰間

漁隱叢話云觀此數詩真可使人一唱而三

嘆也

數詩即已  
下六首

南浦隨花去回舟路已迷暗香無覓處日落畫橋西

又

染雲為柳葉剪水作梨花不是東風巧何緣見歲華

又

簷日陰陰轉床風細細吹脩然殘午夢何許一黃鸝

又

蒲葉清淺水杏花和暖風地偏緣底綠人老為誰紅

又

禁鬻云沙草則衆人所謂水邊林下之物所與  
之遊處者牛羊鷗鳥耳而荆公造而為語曰眠  
分黃犢草坐占白鷗沙其筆力高妙殆若天成

愛此江邊好留連至日斜眠分黃犢草坐占白鷗沙

又

日淨山如染風暄草欲薰梅殘數點雪麥漲一川雲

晴景

漁隱叢話云王駕晴景云雨前初見花間葉  
雨後蕪無葉裏花蛺蝶飛來過牆去應疑春  
色在隣家此唐百家詩選中詩也余因閱荆  
公臨川集亦有此詩百家詩選是荆公所選  
想愛此詩因為改正七字遂使一篇語工而  
意足了無鑿斧之迹真削鑿手也

雨前初見花間葉雨後全無葉底花蜂蝶紛紛過牆去

却疑春色在隣家

嘲白髮

苔溪漁隱公嘲白髮詩真佳句也

久應飄轉作蓬飛  
養惜冠巾未忍違  
種種春風吹不長  
星星明月照還稀

南浦

石林詩話云荆公晚年詩律尤精嚴造語用字間不容髮然意與言會言隨意遣渾然天成殆不見

有牽率排比處如含風鴨綠鱗鱗起弄日鵝黃裊  
裊垂讀之初不覺有對偶至細數落花因坐久緩  
尋芳草得歸遲但見舒閒容與之態耳而字字細  
考之皆經櫟括權衡者其用意亦深刻矣

冷齋夜話云用事琢句貴在言其用而不言

其名荆公云云

末兩句

此言水柳之名也

南浦東崗二月時物華撩我有新詩含風鴨綠鱗鱗起  
弄日鵝黃裊裊垂

北山

北山輸綠漲橫陂直塹回塘灩灩時細數落花因坐久  
緩尋芳草得歸遲

遊石牛洞

韻語陽秋云荆公倅舒與道人文銳弟安國  
擁火遊石牛洞聽泉而歸有詩云云晁無咎  
讀楚詞載荆公詞以謂二十四字具六藝羣  
言之餘味故與經學典冊之文俱傳

水冷冷而北出山靡靡而旁圍欲窮源而不得竟悵望  
而空歸

用前韻戲贈葉致遠直講

韻語陽秋云古今人賦碁詩多矣語意皆無  
足取獨愛荊公贈葉致遠之作其略云或撞  
闕以攻至悔悞乃搏頰可謂曲盡圍碁之態  
非筆力可以回萬鈞豈易至此取退之南山  
詩讀之殆可齊驅並駕也



葉侯越著姓，胄出實楚葉。縉雲雖窮遠，冠蓋傳累葉。心  
大有所潛，肩高未嘗脅。飄飄凌雲意，強禦莫能懾。辟雍  
海環流，用汝作舟楫。開胸出妙義，可發蒙起魘。詞如太  
阿鋒，誰敢觸其缺。聽之心爽然，難者口因噤。斜飛欲嵒  
嵒，鍛墮今跼跼。忘情塞上馬，適志夢中蝶。若金靜無求，  
在治誰可挾。載醪但彼惑，饋漿非我課。經綸安足施，有  
寓聊自愜。碁經看在手，碁訣傳滿篋。坐尋碁勢，打側寫  
其圖。貼攜持山林，屐刺摘溝港。鰈一枰，嘗自副當熱。寧

忘筭反嗤襴襪子但守一經筴亡羊等殘生朽筴何足  
摺歡然值手敵便與對七筴縱橫子墮局膈膊聲出堞  
樵父弛遠擔牧奴停晏饁旁觀各技癢竊議兒女囁所  
務在得喪聞此更心慄孰視籠兩手徐思撚長鬣微吟  
靜惜惜堅老高帖帖未快巖谷叟斧柯常爛浥趨邊恥  
局縮穿腹愁危業或撞關以攻或覷眼而摩或羸行伺  
擊或猛出追躡垂成或破壞中斷俄連接或於予閒暇  
伐事先和燮或冒突超越鼓行令震疊或粗見形勢驅

除令遠蹠或開拓疆境欲并包總攝或僅殘尺寸如黑  
子著鱗或橫清解散如尺僵血喋或慚如告亡或喜如  
告捷陷敵未甘虜執仇方借俠諱輸寧斷頭悔悟乃搏  
頰終朝已罷精既夜未交曉翻然語且歎此何宜劫劫  
孟軻惡妨行陶侃懲廢業揚雄有前言韋曜存往牒晉  
臣抑帝手授佞何啻涉冶城子爭道拒父乃如輒爭也  
實逆德豈如私鬪怯藝成况窮苦此殆天所厭如今劉  
與李倫等安可躡試令取一毫亦乏寸金鑷以此待君

子未與回參協操具投諸江道耕而德

懷鍾山

王直方詩話云舒王詩云云

下兩首

又云客舍

黃梁今始熟鳥殘红柿昔分甘蓋三用黃梁

而意義皆妙

投老歸來供奉班塵埃無復見鍾山何須更待黃梁熟  
始信人間是夢間

夢

黃梁欲熟且留連謾道春歸莫悵然蝴蝶豈能知夢事  
蘧蘧飛墮晚花前

送人至清涼寺

詩事云荆公送人至清涼寺題詩壁間云云  
看上征鞍立寺門之句為一篇警策尤盡別  
離情意之實古人未嘗道也若使置之斷句  
尤佳惜乎在第二語耳譬猶金玉天下貴寶  
製以為器須是安頓得宜尤增其光輝

斷蘆洲渚薺花繁  
看上征鞍立寺門  
投老難堪與公別  
倚崗從此望回轅

月夕

又云李義山襪詩云嘗聞宓妃襪渡水欲生  
塵好借姮娥著  
清秋蹋月輪  
荆公作月夕詩  
云云因舊而語意俱新矣

蹋月看流水  
水明搖蕩月草木已華滋  
山川復清發  
褰裳伏檻處  
綠淨數毛髮  
誰能挽姮娥  
俯濯凌波襪

六言

又云蘓子瞻作翰林日因休沐邀門下士西至太  
乙宮見王荊公舊題六言云云子瞻諷詠再三謂  
魯直曰座間惟魯直筆力可及此爾對曰庭堅極  
力為之或可追及但無荊公之自在耳

楊柳名條綠暗荷花落日紅酣三十六陂流水白頭相  
見江南

又

三十年前此路父兄持我東西今日重來白首却尋陳  
迹都迷

東坡居士上

茗溪漁隱云呂丞相跋杜子美年譜云考其辭力  
少而銳壯而肆老而嚴非妙於文章不足以至此  
余觀東坡自南遷以後詩全類子美夔州以後詩  
至所謂老而嚴者也子由云東坡謫居僭耳獨喜  
為詩精神華妙不見老人衰憊之氣魯直亦云東



坡嶺外文字讀之使人耳目聰明如清風自外來也  
蒼梧雜志云葛魯卿云東坡詩文直為破的它人只  
到得七暈八暈惟是東坡字字破的所以不可及也  
寓居定慧院之東雜花滿山有海棠一株土人  
不知貴也

石林詩話云此詩此格超逸不復蹈襲前人  
漁隱叢話云元豐間東坡謫黃州寓居定惠院  
之東小山上有一海棠一株特繁茂每歲盛開時必

為携客置酒已五醉其下矣故作長篇生平  
喜為人寫蓋人間刊石自有五六本云軾乎

生得意詩也

江城地瘴蕃草木只有名花苦幽獨嫣然一笑竹籬間  
桃李漫山總麁俗也知造物有深意故遣佳人在空谷  
自然富貴出天資不待金盤薦華屋朱唇得清暈生臉  
翠袖卷紗紅映肉林深霧暗曉光遲日煖風輕春睡足  
雨中有淚亦悽慘月下無人更清淑先生食飽無一事

散步逍遙自捫腹不問人家與僧舍拄杖敲門看修竹  
忽逢絕艷照衰朽歎息無言揩病目陋邦何處得此花  
無乃好事移西蜀寸根千里不易到銜子飛來定鴻鵠  
天涯流落俱可念為飲一樽歌此曲明朝酒醒還獨來  
雪落紛紛那忍觸

松風亭下梅花盛開

漁隱叢話云遜齋閒覽云荆公在金陵有和  
徐仲文顰字韻詠梅詩二首東坡在嶺南有

瞰字韻咏梅詩三首皆韻險而語工非大手筆  
不能到也余以臨川集東坡後集細細味之顰  
字韻二聖亦未是荆公平日得意詩其一云額  
黃映日明飛燕肌粉含風冷太真其一云肌冰  
綽約如姑射膚雪參差是玉真其餘亦別無奇  
特向至如東坡瞰字韻三首皆擺落陳言古今  
人未嘗經道者三首並妙絕第二首尤奇

春風嶺上淮南村昔年梅花曾斷魂豈知流落復相見

蠻風蜚雨愁黃昏長條半落荔枝浦卧樹獨秀桃榔園  
豈惟幽光留夜色直恐冷艷排冬溫松風亭下荊棘裏  
兩株玉蘂明朝暎海南仙雲嬌隨砌月下縞衣來扣門  
酒醒夢覺起繞樹妙意有在終無言先生獨飲勿歎息  
幸有落月窺清罇

再用前韻

羅浮山下梅花村玉雪為骨冰為魂紛紛初疑月挂樹  
耿耿獨與參黃昏先生素居江海上悄如病鶴栖荒園

天香國艷肯相顧知我酒熟詩清溫蓬萊宮中花鳥使

綠衣倒挂扶桑暎

自注嶺南真禽有倒挂子綠衣紅啄如鸚鵡而小自海東來非塵埃間物也

抱叢窺我方醉卧故遣啄木先敲門麻姑過君急掃洒  
鳥能歌舞花能言酒醒人散山寂寂惟有落葉粘空樽

花落復次韻

玉妃謫墮煙雨村先生作詩與招魂人間草木非我對  
奔月偶挂成幽魂暗香入戶尋短夢青子綴枝留小園  
披衣連夜喚客飲雪膚滿地聊相溫松明照坐愁不睡

井花入腹清而曠先生年來六十化道眼已入不二門  
多晴好事餘習氣惜花未忍都無言留連一物無過矣  
笑領百罰空壘樽

月夜與客對飲花下

集註云此篇不使事語亦新造古所未有殆  
涪公所謂不食煙火食人之語也

杏花飛簾散餘春明月入戶尋幽人褰衣步月踏花影  
炯如流水涵清蘋花間置酒清香發爭挽長條落香雪

山城薄酒不堪飲，勸君且吸杯中月。  
洞簫聲斷月明中，惟憂月落酒杯空。  
明朝卷地春風惡，但見綠葉栖殘紅。  
贈東林總長老

冷齋夜話云：東坡遊廬山，東林作二偈山谷。  
云：此老於般若橫說豎說了無剩語，非其筆  
端，有口亦安能吐此不傳之妙。

溪聲便是廣長舌，山色豈非清淨身。  
夜來八萬四千偈，他日如何舉似人。



題西林壁

橫看成嶺側成峯，遠近高低各不同。  
不識廬山真面目，只緣身在此山中。

寄吳德仁兼簡陳季常

茗溪漁隱云：詩中所云龍邱居士，即陳季常也。濮陽公子，即吳德仁也。又云：我遊蘭溪訪清泉，已辦布襪青行纏。嵇山不是無賀老，我自興盡回酒船。蓋欲往訪德仁，未成也。李白

詩云嵇山無賀老却棹酒船回用此事也又  
云恨君不識顏平原東坡自謂也恨我不識  
元魯山謂德仁也銅駝陌上會相見握手一  
笑三千年蓋言終當相見如劉子訓之徒此  
一篇詩意本末次序有倫有理可謂精緻矣

東坡先生無一錢十年家火燒凡鈔黃金可成河可塞  
只有霜鬢無由玄龍邱居士亦可憐談空說有夜不眠  
忽聞河東獅子吼拄杖落手心茫然誰似濮陽公子賢

飲酒食肉自得仙平生寓物不留物在家學得忘家禪  
門前穠樞十頃田清溪遶屋花連天溪堂醉卧呼不醒  
落花如雪春風顛我遊蘭溪訪清泉已辦布襪青行纏  
嵇山不是無賀老我自興盡回清船恨君不識顏平原  
恨我不識元魯山銅駝陌上會相見握手一笑三千年

慶源宣義王丈人以累舉得官為洪雅主簿州  
戶掾遇吏如家人人安樂之既謝事居眉之青  
神瑞草橋放懷自得有書來求紅帶既以遺之

且作詩為戲黃魯直學士秦少遊賢良各賦一首為老人光華

王直方詩話云青衫半作霜葉枯至芋魁豆飯吾豈無山谷云庭堅最愛此韻

青衫半作荷葉枯視民如兒吏如奴吏民莫作官長看  
我是識字耕田夫妻啼兒號刺史怒時有野人來挽鬚  
拂衣自注下下考芋魁飯豆豈豈無歸來瑞草橋邊路  
獨遊還佩平生壺慈姥巖前自喚渡青衣江畔人爭扶

今年蠶市蘇州集中有遺民懷袴襦邑中之黔相指似  
白髯紅帶老不癯我欲西歸卜隣舍隔牆撫掌容歌呼  
不覺山王乘駟馬回頭空指黃公壚

續麗人行

茗溪漁隱云李仲謀家有周昉畫背面欠伸  
內人極精戲作此詩云云韓子蒼用此意題  
李伯時所畫宮女云睡起昭陽暗淡粧不知  
緣底背斜陽若教轉盼一回首三十六宮無

粉光終不及坡之偉麗也

深宮無人春日長沉香亭北百花香美人睡起薄梳洗  
燕舞鶯啼空斷腸畫工欲畫無窮意背立東風初破睡  
若教回首却嫣然陽城下蔡俱風靡杜陵饑客眼長寒  
褰驢破帽隨金鞍隔花臨水時一見只許胷肢背後看  
心醉歸來茆屋底方信人間有西子君不見孟光舉案  
與眉齊何曾背面傷春啼

種松得徠子

呂居仁云詩欲波瀾之濶須放規模令大涵  
養吾氣而後可規模既大波瀾自濶少加持  
擇功已倍於古矣試取東坡黃州以後詩如  
種松醫眼之類便可見

東風吹榆林亂筴飛作堆荒園一雨過戢戢千萬栽青  
松種不生百株望一枚一枚已有餘氣壓千畝槐野人  
易斗粟云自魯徂徠魯人不知貴萬竈飛青煤束縛同  
一車胡為乎來哉泣然解其縛青泉洗浮埃枝傷葉自

困生意未肯回山僧老無子養護如嬰孩坐待走龍蛇  
清陰滿南臺孤根裂山石直幹排風雷我今百日客養  
此千歲材茯苓無消息雙鬢日夜催古今一俯仰作詩  
寄餘哀

戲作種松

我昔少年日種松滿東岡初移一寸根瑣細如插秧二  
年黃茆下一一攢麥芒三年出蓬艾滿山散牛羊不見  
十年餘想作龍蛇長夜風波浪碎朝露珠璣香我欲食



其膏已伐百本桑人事多乖迂神物竟渺茫竭來齊安  
野夾路鬚髯蒼會開龜蛇窟不惜斤斧創縱未得茯苓  
且當拾流肪釜盎百出入皎然散飛霜槁死三彭仇澡  
換五穀腸青骨凝綠髓丹田發幽光白髮何足道要使  
雙瞳方却後五百年騎鶴還故鄉

贈眼醫王士

針頭如麥芒氣出如車軸間關絡脉中性命寄毛粟而  
况清淨眼內景含天燭琉璃貯沆瀣輕脆不任觸而子

於其門來往施鋒鏃笑談紛自若觀者頸為縮運鍼如  
運斤去翳如拆屋常疑子善幻祀伎雜符祝子言吾有  
道此理君未矚形骸一塵埃貴賤兩草木世人方重外  
妄見瓦與玉而我初不知刺眼如刺肉君看目與翳是  
翳要非目目翳苟二物易分如麥菽寧聞老農夫去草  
易傷穀鼻端有餘地肝膽分楚蜀吾於五輪間蕩蕩見  
空曲如行九軌道並驅無擊轂空花誰開落明月自朏  
胸請問藥全堂忘言老尊宿

竹莊詩話卷九

欽定四庫全書

竹莊詩話卷十

東坡居士下

世傳王迥子高與仙人周瑤英遊芙蓉城元豐元年三月余始識子高問之信然乃作此詩

苕溪漁隱云此詩最為流麗故秦太虛與東坡簡云素紙一軸敢冀醉後揮掃近文并芙蓉城詩時得把玩以慰馳情

芙蓉城中花冥冥誰其主者石與丁珠簾玉按翡翠屏  
雲舒霞卷千倂倂中有一人長眉青烟如微雲澹踈星  
往來三世空煉形竟坐誤讀黃庭經天門夜開飛與靈  
無復白日乘雲輶俗緣千劫磨不盡翠被冷落淒餘馨  
因過緱山朝帝廷夜聞笙簫弭節聽飄然而來誰使令  
皎如明月入窗櫺忽然而去不可執寒衾虛幌風泠泠  
仙宮洞房本不扃夢中同躡鳳凰翎徑度萬里如奔霆  
玉樓浮宮聳亭亭天書雲篆誰所銘遠樓飛步高玲峴

仙風鏘然韻流鈴蘧蘧形開如酒醒芳卿寄謝空丁寧一朝覆水不反瓶羅巾別淚空熒熒春風花開秋葉零世間羅綺紛臙脰此生流浪隨滄溟偶然相值兩浮萍願君收視觀三庭勿與嘉穀生蝗螟從渠一念三千齡下作人間尹與邢

遊博羅香積寺寺去縣七里三山犬牙夾道皆美田麥禾甚茂寺下谿水可作碓磨若築塘百步聞而落之可轉兩輪舉四杵也以屬縣令林

抃使督成之

茗溪漁隱云東坡在嶺外遊博羅香積寺同  
正輔遊白水山聞正輔將至以詩迎之皆古  
詩而終篇對屬精切語意貫穿

二年流落鼃魚鄉朝來喜見麥吐芒東風搖波舞淨綠  
初日泣露酣嬌黃汪汪春泥已沒膝剡剡秋穀初分秧  
誰言萬里出無友見此二美喜欲狂三山屏擁僧舍小  
一谿雷轉松陰涼要令水力供臼磨與相地脉增隄

防霏霏落雪看收麵隱隱疊鼓聞春糧散流一啜雲子  
白炊裂十字瓊肌香豈惟牢九薦古味要使真一流天  
漿詩成捧腹便絕倒書生說食真膏肓

同正輔遊白水山

偉哉造物真豪縱攔土搏沙為此弄擘開翠峽走雲雷  
截破奔流作潭洞因隨化人履巨迹得與仙兄躡飛鞚  
曳杖不知巖谷深穿雲但覺衣裘重坐看驚鳥救霜葉  
知有老蛟蟠石甕金沙玉礫粲可數古鏡寶奩寒不動



念兄獨立與世疎絕境難到惟我共永辭角上兩蠻觸  
一洗胃中九雲夢浮來山高回望失武陵路絕無人送  
筠簋擷翠爪甲香素纓分碧銀餅凍歸路霏霏湯谷暗  
野堂活活神泉湧解衣浴此無垢人身輕可試雲間鳳  
聞正輔將至以詩迎之

生逢堯舜仁得作嶺海遊雖懷楚然喜豈免跼墮憂暮  
雨侵重腿曉煙騰鬱攸朝盤見蜜唧夜枕問鵲鷗幾欲  
烹鬱屈固常饌餉輒舌音漸獠變面汗嘗驛羞賴我存

黃庭有時仍丹邱目聽不任耳踵息殆廢喉稍欣素月  
夜遂度黃茆秋我兄清廟器持節瘴海頭蕭然三家步  
橫此萬斛舟人言能漢吏天遣活楚囚惠然再過我樂  
哉十日留但恨參語賢忽潛九原幽萬里儻同歸兩鰥  
當對纓強歌非真達何必師莊周

和淵明歸田園六首三月四日遊白水佛迹巖  
沐浴於湯泉晞髮于懸瀑之下浩歌而歸肩輿  
却行以與客語不覺至水北荔枝浦上晚日慈

籠竹陰蕭然時荔子纍纍如茭實矣有父老年  
八十餘指以告余曰及是可食公能攜酒來遊  
乎意欣然許之歸卧既覺聞兒子過誦淵明歸  
田園居詩六首乃悉次其韻始余在廣陵和淵  
明飲酒詩二十首今復為此要當盡和乃已又吾  
於詩人無所甚好而獨好淵明之詩前後和其  
詩凡百有九首至其得意自謂不甚愧淵明

王直方詩話云東坡在揚州和飲酒詩只是如

已所作至惠州和歸田園六首乃與淵明無異  
環州多白水際海皆蒼山以彼無盡景寓我有限年東  
家著孔丘西家著顏淵市為不二價農為不爭田周公  
與管蔡恨不茅三間我飽一飯足薇蕨補食前門生餽  
新米救我厨無煙斗酒與隻雞酣歌餞華顛禽鳥豈知  
道我適物自閑悠悠未必爾聊樂我自然

窮猿既投林疲馬初解鞅心空飽新得境熟夢餘想江  
鷗漸馴集蜚叟已還往南池綠錢生北嶺紫筍長提壺

豈解飲好語時見廣春江有佳句我醉墮渺莽

新浴覺身輕新沐感髮稀風乎懸瀑下却行詠而歸仰  
見江搖山俯見月在衣步從父老語有約吾敢違

老人八十餘不識城市娛造物偶遺漏同儕盡丘墟平  
生不渡江水北有幽居手揮荔枝子合抱三百株莫言  
陳家紫甘冷恐不如君來坐樹下飽食攜其餘歸舍遺  
兒子懷抱不可虛有酒持飲我不問錢有無

坐倚朱藤杖行歌紫芝曲不逢商山公見此野老足願

同荔枝社長作雞黍局教我同光塵月固不勝燭霜颼散  
氛祲廓然似朝旭

昔我在廣陵悵望柴桑陌長吟飲酒詩頗獲一笑適當時已  
放浪朝坐苦不夕矧今長閒人一劫展過隙江山互隱見出沒  
為我役斜川追淵明東臯友王績詩成竟何用六博本無益

和淵明貧士

詩眼云此詩言夷齊自信其去雖武王周召不能  
挽之便留若四皓自信其進雖祿產之聘亦為之

出如死灰之餘煙也後世君子既不能以道進  
退又不能忘世俗之毀譽多作文以自明其出處  
如荅客難解嘲之類故曰朱墨手自研若淵明初  
亦仕絃歌本誠言蓋無心於名雖晉末亦仕合於  
綺園之出其去也亦不待以微罪行不樂乃徑歸  
合於夷齊之去其進退蓋相似坡作文工於命  
意必超然獨立於衆人之上非如昔人稱淵明  
以退為高耳故又發明如此

夷齊恥周粟高歌誦虞軒產祿彼何人能致綺與園古  
來避世士死灰或餘煙末路益可羞朱墨手自研淵明  
初亦仕絃歌本誠言不樂乃徑歸視世差獨賢

和淵明詠三良

藝苑雌黃云秦穆以三良殉葬詩人刺之則  
穆公信有罪矣雖然臣之事君猶子之事父也  
以陳尊已魏顆之事觀之則三良亦不容無  
譏焉昔之詠三良者有王仲宣曹子建陶淵



明柳子厚或曰心亦有所施或曰殺身成獨  
難或曰君命安可違或曰死沒寧分張魯無  
一語辨其非是者唯東坡一篇云云審如是  
則三良不能無罪東坡一篇獨冠絕於今古  
此生太山重忽作鴻毛遺三子死一言所死良已微賢  
哉晏平仲事君不以私我豈犬馬哉從君求蓋惟殺身  
固有道大節要不虧君為社稷死我則同其歸顧命有  
治亂臣子得從違魏顆真孝愛三良安足稀仕宦豈不

榮有時纏憂悲所以靖節翁服此黔婁衣

秦穆公墓

茗溪漁隱云余觀東坡秦穆公墓詩全與和三良詩意相反蓋是少年時議論如此至其晚年所見益高超人意表揚雄所以悔少作也橐泉在城東墓在城中無百步乃知昔未有此城秦人以泉識公墓昔公生不誅孟明豈有死之日而忍用其良乃知三子殉公意亦如齊之二子從田橫古人感一

飢尚能殺其身今人不復見此等乃以所見疑古人古  
人不可望今人益可傷

蘆鴈

禁齋云此東坡蘆雁詩欲叙雁閒暇之態故  
筆力頓挫如此又詩曰我生木強鄙少以氣  
自擠孤舟到江海引手捫象犀邇來輒自悟  
留氣下煖臍亦頓挫也夫言頓挫者乃是覆  
却便文采粲然非如常格詩但排比句語而

成熟讀之殊無氣味如少游詩曰松江浩無旁  
垂虹跨其上漫然銜洞庭領畧非一狀恍如陣  
平野萬馬攢穹帳離離雲抹山宵宵天粘浪煙  
中魚歌起鳥外征帆颺逾知宇宙寬斗覺天南  
壯云云此但排比好句耳非能使之頓挫也

野鴈見人時未起意先改君從何處看得此無人態無  
乃枯木行人禽兩自在北風振枯葦微雪落璀璨慘然  
雲水昏晶瑩沙礫碎弋人悵何暮一舉渺江海

豆粥

茗溪漁隱云東坡於飲食作詩以寫之往往皆臻其妙如豆粥詩是也

禁齋云豆粥詩眉子石硯歌可謂分布用事法凡二事比類於前而後發其宏妙也

君不見呼沱流澌車折軸公孫倉皇奉豆粥濕薪破竈自燎衣飢寒頓解劉文叔又不見金谷敲冰草木春帳下烹煎多美人萍齏豆粥不傳法咄嗟而辦石季倫干

戈未解身如寄聲色相纏心已醉身心顛倒自不知更  
識人間有真味豈知江頭千頃雪色蘆荻簷出沒晨煙  
孤地碓舂秔光似玉沙瓶煮豆軟如酥我老此身無著  
處賣書來問東家住卧聽雞鳴粥熟時蓬頭曳履東家  
去

眉子石硯歌

君不見城都畫手開十眉橫雲却月爭新奇遊人指點  
小頻處中有漁陽胡馬嘶又不見王孫青瑣橫雙碧腸

斷浮空遠山色書生性命何足論坐費千金買消渴爾  
來喪亂愁天公謫向君家書硯中小窗虛幌相嫵媚令  
君曉夢生春紅毗耶居士談空處結昔已空花不住試  
教天女問磨鉛千偈瀾翻無一語

梨花

容齋隨筆云張文潛好誦東坡梨花絕句云云每  
吟一過必擊節嘆賞不能已文潛蓋有省於此云  
梨花淡白柳深青柳絮飛時花滿城惆悵東欄一株雪

人生看得幾清明

山谷道人

魯直傳贊云山谷自黔州以後句法尤高筆勢放  
縱實天下之奇作自宋興以來一人而已矣江西  
宗派圖序云國朝歌詩之作或傳者多依效舊文  
未盡所趣惟豫章始大出而力振之抑揚反覆盡兼衆體  
呂氏童蒙訓云作文要悟入處悟入必自工夫中  
來非僥倖可得也如老蘓之於文魯直之於詩蓋



盡此理矣

古詩二首上蘓子瞻

集注東坡報山谷書云古風二首託物引類  
得古人詩之風其推重如此故置之篇首云  
江梅有佳實托根桃李場桃李終不言朝露借恩光孤  
芳忌皎潔冰雪空自香古來和鼎實此物升廟廊歲月  
坐成晚煙雨青已黃得升桃李盤以遠初見嘗終然不  
可口擲置官道傍但使本根在棄捐果何傷

又

青松出澗壑十里聞風聲上有百尺絲下有千歲苓自  
性得久要為人制顏齡小草有遠志相依在平生醫和  
不並世深根且固蒂大言可醫國何用大旱計小大材  
則殊氣味固相似

秦和文潛贈無咎篇末多以見及以既見君子  
云胡不喜為韻

集註山谷嘗寫答邢居實詩及此詩與徐師川曰

後八詩頗為得意故漫錄往或與潘洪諸友讀之  
龜以靈故焦雉以文故翳本心如日月利欲食之既後  
生玩華藻照影終末世安得八紘置以道獵衆智

談經用燕說東棄諸儒傳濫觴雖有罪末派瀾九縣張侯  
真理窟堅壁物與戰難以口舌爭水清石自見

野性友麋鹿君非我同羣文明近日月我亦不如君十  
載長相望逝川水汙汙何言談絕倒茗椀對爐薰

北寺鎖齋房塵鑰一時啟晁朝覺然來連壁照書几庭

柏鬱葱葱紅榴鏤多子時蒙吐佳句幽處萬籟起

先皇元豐末極厭士淺聞只今舉秀孝天未喪斯文晁  
張班馬手崔蔡不足云當令橫筆陣一戰靜楚氛

張侯窘炊玉僦屋得空廬但見索酒郎不見酒家胡雖  
肥如瓠壺胷中殊不匱何用知如此文采似於菟

荆公六藝學妙處端不朽諸生用其短頗復鑿戶牖譬  
如學捧心初不悟已醜玉石恐俱焚公為區別不

吾友陳師道抱獨門掃軌晁張作薦書射雉用一矢吾

聞舉逸民故得天下喜兩公陣堂堂此士可摩壘

次韻答邢敦夫

為山不能山過在一簣止渥洼騏驎兒墮地志千里岷  
江初濫觴入楚乃無底將升聖人堂道固有廉陛邢子  
好少年如世有源水方求無津涯不作蝸牛喜兒中兀  
老蒼趣造甚竒異過閱王公門袖中有漫刺別來阻河  
山望遠每障袂斯文向千載有志常寡遂後生文楚楚  
照影若孔翠不應太玄草晞價咸陽市雨作枕簟秋官

閒省中睡夢不到漢東茗椀乃為崇聞君肺渴減頗復  
佳食寐讀書得新功來雁寄一字

戲荅俞清老人寒夜

王立之詩話云山谷云金華俞清老子字子中  
二十年前與余共學於淮南元豐甲子相見於  
廣陵自云荆公欲使之脫逢掖著僧伽黎奉香  
火於半山寺予之僧名紫琳字清老無妻子  
之累云去作半山道人似不為難事然生龜

脫筒亦難堪忍後數年見之儒冠自若也因  
嘗戲和清老詩云云

集註山谷跋此詩云東坡屢哦此詩以為妙也  
索索葉自雨月寒遙夜闌馬嘶車鐸鳴羣動不遑安有  
人夢超俗去髮脫儒冠平明視清鏡政爾良獨難

聞道一稊米出身縛簪纓懷我伐木友寒衾夢丁丁富  
貴但如此百年半曲肱早晚相隨去松根有茯苓

牧羊金華山早通玉帝籍至今風低草觺觺見白石金

華風煙下亦有君履迹何為紅塵裏領鬚欲雪白

謫居黔南十首 摘樂天句

集註云近世曾慥端伯作詩選載潘邠老事云  
張文潛晚喜樂天詩邠老聞其稱美輒不樂嘗  
誦山谷十絕句以為不可及及其一云老色日上  
面歡悰日去心今既不如昔後當不如今潛一日  
召邠老飯預設樂天詩一帙置書室牀枕間邠  
老少焉假榻翻閱良久纔悟山谷十絕詩盡用



樂天大篇裁為絕句蓋樂天長於敷衍而山谷  
巧於剪裁自是不敢復言端伯所載如此必有  
所依據然敷衍剪裁之說非是蓋山谷謫居  
黔南時取樂天江州等詩偶有會於心者摘其  
數語寫置齋閣或嘗為人書世因傳以為山谷  
自作然亦非有意與樂天較工拙也詩中改易數  
字可為作詩之法故因附見於此

韻語陽秋云黔南十絕七篇全用樂天花下對酒

渭川舊居東城尋春西樓委順竹窗等詩餘  
三篇用其詩畧點化而已葉少蘊云詩人點  
化前作正如李光弼將郭子儀之軍重經號  
令精彩數倍此語誠然

相望六千里天地隔江山十書九不到何用一開顏

寄行

簡詩元作相去六千里絕天  
邈然十書九不達何以開憂顏

霜降水反壑風落木歸山冉冉歲華晚昆蟲皆閉關

歲晚

詩元作冉冉歲將  
晏物皆復本原

冷淡病心情暄和好時節故園音信斷遠郡親賓絕

花下

對酒

山郭燈火稀峽天星漢少年光東流水生計南枝鳥

西樓

冥懷齊遠近委順隨南北歸去誠可恨天涯住亦得

委順

老色日上面歡悰日去心今既不如昔後當不如今

東城

嘖嘖雀引雛稍稍筍成竹時物感人情憶我故鄉曲

渭川

舊居

苦雨初入梅瘴雲稍含毒泥秧水畦稻灰種畬田粟

同上

輕紗一幅巾小簾六尺床無客盡日靜有風終日涼

竹窗

病人多夢醫囚人多夢赦如何春來夢合眼在鄉社

寄行

簡詩元作渴人多夢飲饑人多夢  
飢春來夢何處合眼到東川

### 題孟浩然畫像

茗溪漁隱云題浩然畫像詩浩然平生出處

事跡悉能道盡乃詩中傳也

先生少也隱鹿門爽氣洗盡塵埃昏賦詩真可凌鮑謝  
短褐豈愧公卿尊故人私邀伴禁直誦詩不顧龍鱗逆

風雲感會雖有時顧此定知毋枉尺襄江渺渺泛清流  
梅殘臘月年年愁先生一往今幾秋後來誰復釣槎頭

次韻廖明略陪吳明府白雲亭燕集

西清詩話云魯直自黔南歸詩變前體且云  
要須唐律中作活計乃可言詩如少陵淵畜  
雲萃變態百出雖數十百韻格律益嚴謹蓋  
操制詩家法度如此余觀魯直和白雲亭燕  
集詩云云直可拍肩挽袂矣

江淨明花竹山空響管絃風生學士塵雲繞令君筵百  
越餘生聚三吳遠接連庖霜刀落鱸執玉酒明船葉縣  
飛來舄壺公謫處天酌多時暴謔舞短更成妍唯我孤  
登覽觀詩未究宣空餘五字賞又似兩京然醫是肱三  
折官當歲九遷老夫看鏡罷衰白敢爭先

畫睡鴨

容齋隨筆云徐陵鴛鴦賦云山雞映水那相  
得孤鸞照鏡不成雙天下真成長會合無勝

比翼兩鴛鴦黃魯直題畫睡鴨云云全用徐  
語點化之末句尤精工

山雞照影空自愛孤鸞舞鏡不成雙天下真成長會合  
兩鳬相倚睡秋江

乞猫

後山詩話云魯直乞猫詩云云雖滑稽而可  
喜千歲而下讀者如新

秋來鼠輩欺猫死揭瓮掀盆攪夜眠聞道狸奴將數子

買魚穿柳聘唧蟬

題蘆鴈圖

禁臠云若不得流水還應過別山者題野燒也嚴  
霜百草白深院一株青題小松也前人以為工是  
題其意耳非能狀其體態也如子美題雨則曰紫  
崖奔處黑白鳥去邊明樂天題琵琶曰銀瓶忽破  
水漿迸鐵騎突出刀鎗鳴又曰四絃一聲如裂帛  
此皆曲盡萬物之情狀若音聲不可把玩如石火



雷光而人之才力能攬取之然此但得其情狀非  
能寫其不傳之妙如山谷題蘆鴈圖則妙絕矣

惠崇煙雨蘆鴈坐我瀟湘洞庭欲喚扁舟歸去傍人謂是  
丹青

過百里奚大夫塚

呂氏童蒙訓云或稱魯直桃李春風一杯酒江湖夜  
雨十年燈以為極至魯直自以此猶砌合須石吾  
甚愛之勿使牛礪角牛礪角尚可牛鬪殺我竹此

乃可言至耳然如魯直百里大夫冢詩與快閣詩已自見成就處也

行客抱憂端沉復思古人何年一丘土不見石駢麟斷碑略可讀大夫身霸秦虞公納垂棘將軍西問津安知五羊皮自鬻千金身末俗工媒孽浮言妬道真幸逢孟軻賞不愧微子魂

登快閣

癡兒了却公家事快閣東西倚晚晴落木千山天遠大

澄江一道月分明朱絃已為佳人絕青眼聊因美酒橫  
萬里歸船動長笛此心吾與白鷗盟

和荅錢穆父詠猩猩毛筆

王直方詩話云東坡寫金帶鞍馬乃表四六  
中送窮文山谷猩猩毛筆詩乃篇章中毛穎  
傳


類苑云魯直善用事若正爾填塞故實舊謂  
之點鬼簿今謂之堆垛死屍如詠猩猩毛筆

詩云平生幾兩屐身後五車書又云管城子  
無食肉相孔方兄有絕交書精妙隱密不可  
加矣當以此語反三隅也

呂氏童蒙訓云東坡詩云賦詩必此詩定知  
非詩人此或一道也魯直作詠物詩曲當其  
理如猩猩毛筆詩云平生幾兩屐身後五車書  
其必此詩哉

愛酒醉魂在能言幾事疎平生幾兩屐身後五車書物

色看王會勲勞在石渠拔毛能濟世端為謝楊朱



竹莊詩話卷十

欽定四庫全書

集部

竹莊詩話卷十二

詳校官監祭御史

臣

劉人睿

主事銜

臣

徐以坤覆勘

總校官知縣

臣

繆

琪

校對官主事

臣

陳

墉

謄錄監生

臣

王

思

謫

欽定四庫全書

竹莊詩話卷十一

雜編一

醉歌行

別從姪勤  
落第歸

杜甫

漫齋詩話云送別情景於後幅突然接入開後人

無限法門醉歌意只用一點前後文勢倍覺生色

陸機二十作文賦汝更小年能綴文總角草書又神速

世上兒子徒紛紛驂騑作駒已汗血鷲鳥舉翮連青雲

詞源倒流三峽水筆陣獨掃千人軍只今年纔十六七  
射策君門期第一舊穿楊葉真自知暫蹶霜蹄未為失  
偶然擢秀非難取會是排風有毛質汝身已見唾成珠  
汝伯何由髮如漆春光澹沲秦東亭渚蒲牙白水荇青  
風吹客衣日杲杲樹攬離思花冥冥酒盡沙頭雙玉餅  
衆賓皆醉我獨醒乃知貧賤別更苦吞聲躑躅涕淚零

贈衛八處士

人生不相見動如參商今夕復何夕共此燈燭光少壯



能幾時鬚髮各已蒼訪舊半為鬼驚

一作鳴

呼熱中腸焉

知二十載重上君子堂昔別君未婚兒女忽成行怡然

敬父執問我來何方問答乃未已

一作未及已

兒女羅酒漿

夜雨剪春韭新炊間

一作聞

黃粱主稱會面難一舉累十觴

十觴亦不醉感子故意長明日隔山岳世事兩茫茫

### 新安吏

客行新安道喧呼聞點兵借問新安吏縣小更無丁府  
帖昨夜下次選中男行中男絕短小何以守王城肥男

有母送瘦男獨伶俜白水暮東流青山猶哭聲莫自使  
眼枯收汝淚縱橫眼枯却見骨天地終無情我軍取相  
州日夕望其平豈意賊難料歸軍星散營就糧近故壘  
練卒依舊京掘壕不到水牧馬役亦輕況乃王師順撫  
養甚分明送行勿泣血僕射如父兄

石壕吏

暮投石壕村有吏夜捉人老翁踰牆走老婦出門看吏  
呼一何怒婦啼一何苦聽婦前致詞三男鄴城戍一男

附書至二男新戰生存者且偷生死者長已矣室中更  
無人所有乳下孫孫有母未去出入無完裙老嫗力雖  
衰請從吏夜歸急應河陽役猶得備晨炊夜久語聲絕  
如聞泣幽咽天明登前途獨與老翁別

### 新婚別

師氏詩說云詩采綵刺怨曠也觀甫此詩怨  
別又甚於采綵者矣

王深父云先王之政新有婚者苟不使政出

於刑名則一切使衆而已此詩必所怨盡其  
常分而能不忘禮義余是以錄之

蒼梧雜識云新婚別一篇甚得古詩人之意  
勿為新婚念努力事戎行所以勉其夫羅襦不復  
施對君洗紅粧所謂豈無膏沐誰適為容者也

兔絲附蓬麻引蔓故不長嫁女與征夫不如棄路傍結  
髮為君妻席不暖君沐暮昏晨告別無乃大匆忙君行  
雖不遠守邊赴河陽妾身未分明何以拜姑嫜父母養

我時日夜令我藏生女有所歸雞狗亦得將君今往死  
地沉痛迫中腸誓欲隨君去形勢反蒼黃勿為新昏念  
努力事戎行婦人在軍中兵氣恐不揚自嘆貧家女久  
致羅襦裳羅襦不復施對君洗紅妝仰視百鳥飛大小  
必雙翔人事多錯迕與君永相望

垂老別

師氏詩說云痛念國家急難征戍烽火何鄉  
不有吾豈能獨安不慮哉不敢盤桓義也塌

然傷別者仁也不忘仁義此甫幾乎風雅之作也  
四方未寧靜垂老不得安子孫陣亡盡焉用身獨完投  
杖出門去同行為辛酸幸有牙齒存所悲骨髓乾男兒  
既介冑長揖別上官老妻卧路啼歲暮衣裳單孰知是  
死別且復傷其寒此去必不歸還聞勸加食土門壁甚  
堅杏園度亦難勢異鄴城下縱死時猶寬人生有離合  
豈擇衰老端憶昔少壯日遲迴竟長歎萬國盡征戍烽  
火被岡巒積屍草木腥流血川原丹何鄉為樂土安敢

尚盤桓棄絕蓬室居塌然摧肺肝

無家別

師氏詩說云在昔先王中興勞來還定安集之而鴻雁之民獲安其居今肅宗中興使民無家而至於生無以養死無以葬其視周宣之民不亦厚顏也哉觀甫詩時政之美惡皆可得而知也

王深父云先王子惠困窮則天下無敗亂之兆矣此詩何為作乎

寂寞天寶後園廬但蒿藜我里百餘家世亂各東西存  
者無消息死者為塵泥賤子因陣敗歸來尋舊蹊久行  
見空巷日瘦氣慘悽但對孤與狸豎毛怒我啼四鄰何  
所有一二老寡妻宿鳥戀本枝安辭且窮棲方春獨荷  
鋤日暮還灌畦縣吏知我至召令習鼓鞞雖從本州役  
內顧無所攜近行止一身遠去終轉迷家鄉既盪盡遠  
近理亦齊永痛長病母五年委溝谿生我不得力終身  
兩酸嘶人生無家別何以為蒸黎



夏日歎

夏日出東北陵天經中街朱光徹厚地鬱蒸何由開上  
蒼久無雷無乃號令乖雨降不濡物良田起黃埃飛鳥  
苦熱死池魚涸其泥萬人向流冗舉目唯蒿萊至今大  
河北盡作虎與豺浩蕩想幽薊王師安在哉對食不能  
食我心殊未諧眇然貞觀初難與數子偕

夏夜歎

碧溪詩話云夏夜歎曰念我荷戈士窮年守

邊疆此仁人君子之用心終不可忘也

永日不可暮炎熱毒我腸安得萬里風飄飄吹我裳  
昊天出華月茂林延疎光仲夏苦夜短開軒納微涼  
虛明見纖豪羽虫亦飛揚物情無巨細自適固其常  
念彼荷戈士窮年守邊疆何由一洗濯執熱互相望  
竟夕擊刁斗喧聲連萬方青紫雖被體不如早還鄉  
北地悲笳發鵲鶴號且翔況復煩促倦激烈思時康

赴江陵途中寄三翰林

韓愈

孤臣昔放逐泣血追愆尤汗漫不省識忭如乘桴浮或

自疑上疏上疏豈其由是年京師旱田畝少所收上憐

民無食兵一作征賦半已休有司恤經費未免煩徵求富

者既云急貧者固已流傳聞閭里間赤子轉渠溝持男

易斗粟掉臂莫肯酬我時出衢路餓者何其稠親逢道

死者佇立一作停馬久呻吟歸者不能食有如魚掛鉤適會

除御史誠當得言秋拜疏移閣門為忠寧自謀上陳人

疾苦無令絕其喉下言一作令畿甸內根本理宜優積雪

驗豐熟幸寬待蠶麤天子惻然感司空歎綢繆謂言即  
施設乃返遷災州同官盡才俊偏善柳與劉或慮語言  
洩傳之落寬讐二子不宜爾將疑斷還不中使臨門遣  
頃刻不得留病妹卧床褥分知隔明幽悲啼乞就別百  
請不顧頭弱妻抱稚子出拜忘慚羞僂僂不迴顧行行  
詣連州朝為青雲士暮作白首囚商山季冬月冰凍絕  
行輶春風洞庭浪出沒驚孤舟逾嶺到所任低顏奉君  
侯酸寒何足道隨事生瘡疣遠地觸塗異吏民似猿猴

生寧多忿狠辭舌紛嘲啁白日屋簷下雙鳴闔鵲鷁有

蛇類兩首有蟲

一作蟲

羣飛游窮冬或搖扇盛下或重裘

颶起最可畏旬哮簸陵邱雷霆助光怪氣象難比倖癘  
疫忽潛遘十家無一瘳猜嫌動置毒對按輒懷愁前日  
遇恩赦私心喜還憂果然又羈縻不得歸鋤耰此府雄  
且大騰陵盡戈矛棲棲法曹掾何處事卑陬生平企仁  
義所學皆孔周臯知大理官不列三后儔何況親犴獄  
敲榜發奸偷懸知失事勢

一云事勢乖

恐自罹罟湘水清

且急涼風日脩脩胡為首歸路旅泊尚夷猶昨者京使  
至嗣皇傳冕旒赫然下明詔首罪誅共兇復聞顛天輩  
峨冠進鴻疇班行再肅穆璜珮鳴琅璆佇繼貞觀烈邊  
封脫兇螫三賢推侍從卓犖傾枚鄒高議叅造化清文  
煥皇猷協心輔齊聖致理同毛輶小雅詠鳴鹿食苹貴  
呦呦遺風邈不嗣豈憶常同褐一作傳失志早衰換前期  
擬蜉蝣自從齒牙缺始慕舌為柔因疾鼻又塞漸能等  
薰猶深思罷官去畢命依松楸空懷焉能果但見歲已

道殷湯閔禽獸解網祝蛛蝥雷煥掘寶劒冤氣銷斗牛  
茲道誠可尚誰能借前籌殷勤謝友朋明月非暗投

暮行河堤上

暮行河堤上四顧不見人衰草際黃雲感歎愁我神夜  
歸孤舟卧展轉空及晨謀計竟何就嗟嗟世與身

重雲一首李觀疾贈之

天行失其度陰氣來干陽重雲閉日夜炎燠成寒涼小  
人但咨怨君子惟憂傷飲食為減少身體豈寧康此志

成足貴懼非職所當藜羹尚如此肉食安可嘗窮冬百草死幽桂乃芬芳且沉天地間大運自有常勸君善飲食鸞鳳本高翔

江漢荅孟郊

江漢雖云廣乘舟渡無艱流沙信難行馬足常往還淒風結衝波狐裘能禦寒終宵處幽室華燭光爛爛苟能行忠信可以居夷蠻嗟余與夫子此義每所敦何為復見贈繾綣在不諼



歸彭城

天下兵又動太平竟何時  
訐謨者誰子無乃失所宜  
前年關中旱閭井多死饑  
去歲東郡水生民為流屍  
上天不虛應禍福各有隨  
我欲進短策無由至丹墀  
剗肝以為紙瀝血為書辭  
上言陳堯舜下言引龍夔  
言詞多感激文字少萎蕤  
一讀已自怪再尋良自疑  
食芹雖云美獻御固已癡  
緘封在骨髓耿耿空自竒  
昨者到京城屢陪高車馳  
周行多俊異議論無瑕疵  
見待頗異禮未能

去毛皮到口不敢吐徐徐俟其熾歸來戎馬間驚顧似  
羈雌連日或不語終朝見相一作我欺乘間輒騎馬茫茫  
詣空陂遇酒即酩酊君知我為誰

醉贈張秘書

人皆勸我酒我若耳不聞今日到君家呼酒持勸君為  
此座上客一作士及余各能文君詩多態度藹藹春空雲  
東野動驚俗天葩吐奇芬張籍學古淡軒昂避雞羣阿  
買不識字頗知書八分詩成使之寫亦足張吾軍所以

欲得酒為文俟其醺酒味既冷冽酒氣又氤氲性情漸  
浩浩諧笑方云云此誠得酒意餘外徒續紛長安衆富  
兒盤饌羅羶葷不解文字飲惟能醉紅裙雖得一餉樂  
有如聚飛蚊今我及數子固無猶與薰陰語破鬼膽高  
詞婉一作動皇墳至寶不雕琢神功謝鋤耔方今向太平  
元凱承華勛吾徒幸無事庶以窮朝曛

送靈師

佛法入中國爾來六百年齊民逃賦役高士著幽禪官

吏不之制紛紛聽其然耕桑日失隸朝署時遺賢靈師  
皇甫姓肩胷本蟬聯少小涉書史早能綴文篇中間不  
得意失迹成延遷逸志不拘教軒騰斷牽攀圍碁鬪白  
黑生死隨機權六博在一擲臬盧叱迴旋爭一作文戰誰

與敵浩汗橫戈鋌飲酒盡百餞嘲諧思愈鮮有時醉花  
月清唱高且絃四座咸寂默杳如奏湘絃尋勝不憚險  
黔江屢洄洄瞿塘五六月驚電讓歸船怒水忽中裂千  
尋墮幽泉環迴勢益急仰見團團天投身豈得計性命

甘徒捐浪沫，蹙翻涌漂浮。再生全同行，二十人魂骨俱。

坑填靈師不掛懷，冒涉道轉延。開忠二州牧，詩賦時

一作

世多傳失職，不把筆珠璣。為君編強留，費日月密席羅。

嬋娟昨者至林邑，使君數開筵。

一作數數為開筵

逐客三四公。

盈懷贈蘭荃，湘

一作湖

游泛漭沅，宴駐潺湲。別語不許。

出行裾動，遭牽鄰州競。招請書札何翩翩，十月下桂嶺。

乘寒恣窺緣，落落王員外。爭迎獲其先，自從入賓館。占。

怯久能專，吾徒頗攜之。

一作吾徒或攜被

接宿窮歡妍，聽說兩。

京事分明皆眼前縱橫雜謠俗瑣屑咸羅穿材調真可

惜朱丹在磨研方將斂之道且欲冠其顛韶陽季一作李

太守高步凌雲煙得客輒忘食開囊乞繒一作縑錢手持

南曹叙字重青瑤錫古氣參豕繫一作象高標摧太玄維

升事干謁披讀頭風痊還如舊相識一作頗似舊相識傾壺暢

幽悃以此復留滯歸驂幾時鞭

送惠師

惠師浮屠者乃是不羈人十五愛山水超然謝朋親一作

超然同  
隱倫

脫冠剪頭髮飛

一作孤

步遺蹤塵發跡入四明梯空

上秋旻遂登天台望衆壑皆嶙峋  
夜宿最高頂舉頭看  
星辰光芒相照燭南北爭羅陳  
茲地絕翔走自然嚴且  
神微風吹木石澎湃聞韶鈞  
半夜起下視溟波御日輪  
魚龍驚湧躍呌笑成悲辛  
怪氣或紫赤敲磨共輪困  
金鷄既騰翥六合俄清新  
常聞禹穴竒東去窺甌閩  
越俗不好古流傳失其真  
幽蹤邈難得聖路嗟長湮  
迴臨浙江濤屹立高峨岷  
壯志死不息千年如隔晨  
是非竟何益

棄去非吾倫凌江詣盧岳浩蕩極游巡崔宰沒雲表陂

陀浸湖淪是時雨初霽懸瀑垂大一作天紳前年往羅浮

步憂南海濬大哉歸德盛榮茂恒留春鵬鵠墮長翻鯨

戲側修鱗自來連州寺曾未造城闔日攜青雲客探勝

窮崖濱太守邀不往一作得羣官請徒頻一作其志囊無

一金資翻為一作謂富者貧昨日忽不見我令一作今訪其

鄰奔波一作走相追及把手問所因顧我却興歎君寧異

於民離合自古然辭別安足珍吾聞九疑好風志今欲



伸班竹啼舜婦清湘沉楚臣衡山與洞庭此固道所循  
尋崧方抵洛歷華遂之秦浮游靡定處偶往即通津吾  
言子當去子道非吾遵江魚不池活野鳥難籠馴吾非  
西方教憐子狂且醇吾嫉情遊者憐子愚且諄去矣各  
異趣河為浪一作淚沾巾

華清宮三十韻

杜牧

倦游錄云臨潼縣靈泉觀唐華清宮也自唐  
迄今題詠不可勝紀小杜五言長詠并三絕

洎鄭嵎津陽門詩外唯陳文惠張文定及進士楊正倫詩最佳又鄭文寶詩云但見太平無事久不知貞觀用功深皆為知者所賞

竹坡詩話云杜牧之華清宮三十韻無一字不可人意其叙開元一事意直而詞隱有騷雅之風至一千年際會三萬里農桑之語置此詩中如伶優與嵇阮並席而談豈不敗人意哉

繡嶺明珠殿層巒下繚牆仰窺雕檻影猶想赭袍光昔

帝登封後中原自古強一千年際會三萬里農桑几席  
延堯舜軒墀立禹湯雷霆馳號令星斗煥文章釣築乘  
時用芝蘭在處芳北扉開木索南面富循良至道思玄  
圃平居厭未央鈎陳裏巖谷文陛壓青蒼歌吹千秋節  
樓臺八月涼神仙高縹緲環珮碎丁當泉暖涵牕鏡雲  
嬌惹粉囊嫩嵐滋翠葆清渭照紅粧帖泰生靈壽懽娛  
歲序長月聞仙曲調霓作舞衣裳雨露偏金穴乾坤入  
醉鄉玩兵師漢武廻手倒千將鯨鬣掀東海胡牙揭上

陽喧呼馬嵬血零落羽林槍傾國留無路還魂怨有香  
蜀峯橫慘澹秦樹遠微茫鼎重山難轉天扶業更昌望  
賢餘故老花萼舊池塘往事人誰問幽襟淚獨傷碧簷  
斜送日殷葉半凋霜迸水傾瑤砌疎風鏤玉房塵埃羯  
鼓索片段荔枝筐烏啄摧寒木蝸蜒蠹畫梁孤烟知客  
恨遙起秦陵傍

過華清宮絕句

三首

遜齋閒覽云華清宮詩云云首作尤膾炙人口

長安迴望綉成堆  
山頂千門次第開  
一騎紅塵妃子笑  
無人知是荔枝來

新豐綠樹起黃埃  
數騎漁陽探使迴

帝使中使輔珍琳探祿山反否

受祿山金  
回言不反

霓裳一曲千峯上  
舞破中原始下來

萬國笙歌醉太平  
倚天樓殿月分明  
雲中亂拍祿山舞  
風過重巒下笑聲

津陽門詩

鄭嵎

津陽門北臨通達  
雪風獵獵飄酒旗  
泥寒款段蹶不進  
疲童

退問前何為酒家顧客催解裝案前羅列樽與卮青錢瑣屑  
安足數白醪軟美甘如飴開壚引滿相獻酬枯腸渴肺忘朝  
飢愁憂似見出門去漸覺春色入四肢主翁移客挑華燈雙肩  
隱膝烏帽欹筴云鮐老不為禮飄蕭雪鬢雙垂頤問余何  
往凌寒曦顧翁枯朽郎豈知翁曾豪盛客不見我自為君陳  
昔時時平親衛號羽林我纔十五為孤兒射熊搏虎衆莫敵  
彎弧出入隨飲飛此時初創觀風樓簷高百尺堆華棖樓南  
更起鬪雞殿晨光山影相參差其年十月移禁仗山下櫛

比羅百司朝元閣成老君見會昌縣以新豐移幽州曉進供奉  
馬玉珂寶勒黃金羈五王扈駕夾城路傳聲校獵渭水湄羽  
林六軍各出射籠山絡野張旌維雕弓繡鞬不知數翻身滅沒  
皆蛾眉赤鷹黃鸝雲中來妖狐野雉亡所依人煩馬殆禽獸盡  
百里腥膻禾黍稀驪山按樂東風暖宮娃賜浴長湯池刻成玉蓮  
噴香水漱回煙浪深逶迤屏屏象薦雜羅列錦鳬繡鴈相追隨  
破簪碎鈿不足拾金溝殘溜和纓綫上皇寬容易承事十家三國  
生光輝繞床呼盧恣樗博張燈達旦相謾期相君侈擬連貴戚日

從秦號多游嬉朱衫馬前未滿足更驅武卒羅旌旗畫輪  
寶軸從天來雲間笑語聲融怡鳴騶前騎作蹀躞宮粧襟  
袖皆天姿青門紫陌多春風風中數月殘香遺驪駒吐沫  
一奮迅路人擁篲爭珠璣八姨新起合歡堂翔鷗賀燕無  
由窺萬金酬工不肯去矜能恃巧尤嗟咨四方節制傾附  
媚窮奢極侈沾恩私堂中特設夜明枕銀燭不施光鑒帷  
瑤光樓南皆紫禁梨園仙宴臨花枝迎娘歌喉玉容窈窕  
兒舞帶金歲蕤三郎玉笛弄煙月怨如別鶴呼羈雌玉奴



琵琶龍香撥倚歌促酒聲嬌悲飲鹿泉邊春路晞粉梅  
檀杏飄朱墀金沙洞口長生殿玉葉峯頭王母祠禁庭  
術士多幻化上前校勝紛相持羅公如意奪顏色三藏  
袈娑成散絲蓬萊池上望秋月無雲萬里懸清輝上皇  
夜半月中去三十六宮愁不歸月中祕樂天半聞丁當  
玉石和墮荒宸聰聰覽未終曲却到人間迷是非千秋御  
節在八月會同萬國朝華夷花萼樓南大合樂八音九  
奏鸞來儀都盧尋橦誠齷齪公孫劒伎多神奇馬知舞

徹下珠榻人惜曲終更羽衣祿山此時侍御側金雞畫  
障當梁恩繡棚文祿日負鼎甘言校計愈嬌癡詔令上  
路建甲第樓通走馬如翬飛大開內府恣供給玉缶金  
筐銀簸箕異謀潛熾促歸去臨軒賜紫盈十圍忠臣張  
公識逆狀白日切諫上不疑湯成召浴果不至潼關已  
溢漁陽師御街一夕無禁鼓玉輅順勤西南馳九門回  
望塵坐多六龍夜馭兵衛疲縣官無人具軍頓行宮徹  
屋屠雲螭馬嵬驛前駕不發宰相射殺冤者誰長眉鬢

髮作凝血獨有君王潛涕洟青泥坂上到三蜀金堤城  
邊頓九旂移文泣祭昔臣墓度曲悲歌秋雁辭明年尚  
父捷書至洗清觀闕收封畿兩宮相見望賢頓君臣鼓  
舞皆歔歔宮中親呼高驃騎潛令改塋楊真妃花膚雪  
態不復見空有香囊和淚滋鑾輿却入華清宮滿山紅  
實垂相思飛霜殿前月悄悄迎春亭上風颼颼雪衣女  
失玉籠在長生鹿瘦銅牌垂象床塵凝罨颺被畫簷虫  
網頗梨碑碧菱花覆雲母陵風篁兩菊低離披真人影

帳偏生草果老藥堂空掩扉鼎湖一日失弓劒橋山煙  
草俄霏霏空聞玉枕入金市但見銅壺飄翠帷開元到  
今踰十紀當時事迹皆殘隳竹花惟養樓梧鳳水藻空  
游巢葉龜會昌御宇斤內典去留二教分黃緇慶山汙  
瀦石甕毀紅樓綠閣皆支離奇松怪栢為樵蘇童山智  
谷亡險壚煙中壁碎石叢畫雲間字失玄宗詩石魚巖  
底百尋井銀牀下卷紅綆遲當時清影蔭紅葉一旦飛  
埃埋素規韓家燭樹倚林杪千枝燦若山霞摘昔年光

彩奪明月今日銷鎔當路歧龍宮御勝高可惜火焚牛  
挽臨崎峴孔雀松殘赤琥珀鴛鴦瓦碎青琉璃我今前  
程能幾許徒有餘息筋力羸逢君話此空洒涕却憶歡  
娛無見期主翁莫泣聽我語寧勞感舊休吁嘻河清海  
晏不難睹我皇已立升平基湮中土地昔湮沒昨者叔  
復無瘡痍戎王北走棄青塚虜馬西奔空月走兩逢元  
年豈易偶願翁願養豐膚肌平明酒醒各分手今夕一  
樽翁莫遲

華清宮絕句

陳文惠

百首新詩百意精不尤妃子即尤兵爭如一句傷時事  
只為明皇恃太平

又

張文定

當時不是不窮奢民樂昇平少嘆嗟姚宋未亡妃子在  
塵埃那得到中華

又

楊正倫

休罪明皇與貴妃大都衰盛兩相隨惟憐一派溫泉水

不逐人心冷煖移

長恨歌

白居易

容齋隨筆云白樂天長恨歌上陽人歌元微之  
連昌宮詞道開元間宮禁事最為深切矣然微  
之有行宮一絕句云云語少意足有無窮之味  
嬾真子云詩人之言為用固寡然大有益於  
世者若長恨歌是也明皇太真之事本有新  
臺之惡而歌云楊家有女初長成養在深閨

人未識故世人罕知為壽王瑁之妃也春秋  
為尊者諱此歌真得之

漢皇重色思傾國御宇多年求不得楊家有女初長成  
養在深閨人未識天生麗質難自棄一朝選在君王側  
回頭一笑百媚生六宮粉黛無顏色春寒賜浴華清池  
溫泉水滑洗凝脂侍兒扶起嬌無力始是新承恩澤時  
雲鬢花顏金步搖芙蓉帳暖度春宵春宵苦短日高起  
從此君王不早朝承歡侍宴無閒暇春從春遊夜專夜



後宮佳麗三千人三千寵愛在一月金屋粧成嬌侍夜玉樓  
宴罷醉和春姊妹弟兄皆列土可憐光彩生門戶遂令天下父  
母心不重生男重生女驪宮高處入青雲仙樂風飄處處聞緩  
歌慢舞凝絲竹盡日君王看不足漁陽鞞鼓動地來驚破霓  
裳羽衣曲九重城闕煙塵生千乘萬騎西南行翠華搖搖行  
復止西出都門百餘里六軍不發無奈何宛轉蛾眉馬前死  
花鈿委地無人收翠翹金雀玉搔頭君王掩面救不得  
回頭血淚相和流黃埃散漫風蕭索雲橫縹緲登劍閣

蛾眉山下山少人行旌旗無光日色薄蜀江水碧蜀山青聖  
主朝朝暮暮情行宮見月傷心色夜雨聞鈴腸斷聲天旋日轉  
回龍馭到此躊躇不能去馬嵬坡下泥土中不見玉顏空死  
處君臣相顧盡沾衣東望都門信馬歸歸來池苑皆依  
舊太液芙蓉未央柳芙蓉如面柳如眉對此如何不汨  
垂春風桃李花開夜秋雨梧桐葉落時西宮南內多秋  
草宮葉滿階紅不掃梨園弟子白髮新椒房阿監青蛾  
老夕殿螢飛思悄然孤燈挑盡未成眠遲遲鐘鼓初長

夜耿耿星河欲曙天  
鴛鴦瓦冷霜華重  
翡翠衾寒誰與共  
悠悠生死別經年  
魂魄不曾來入夢  
臨邛道士鴻都客  
能以精誠致魂魄  
為感君王展轉思  
遂教方士殷勤覓  
排空馭氣奔如電  
升天入地求之徧  
上窮碧落下黃泉  
兩處茫茫皆不見  
忽聞海上有仙山  
山在虛無縹緲間  
樓殿玲瓏五雲起  
其中綽約多仙子  
中有一人字玉真  
雪膚花貌參差是  
金闕西廂叩玉扃  
轉教小玉報雙成  
聞道漢家天子使  
九華帳裏夢魂驚  
攬衣推枕起徘徊

徊珠箔銀屏邈迤開雲鬢半偏新睡覺花冠不整下堂  
來風吹仙袂飄飄舉猶似霓裳羽衣舞玉容寂寞淚欄  
干梨花一枝春帶雨含情凝睇謝君王一別音容兩渺  
茫昭陽殿裏恩愛絕蓬萊宮中日月長回頭下望人寰  
處不見長安見塵霧唯將舊物表深情鈿合金釵寄將  
去釵留一股合一扇釵擘黃金合分鈿但令心似金鈿  
堅天上人間會相見臨別慙慙重寄詞詞中有誓兩相  
知七月七日長生殿夜半無人私語時在天願作比翼

鳥在地願為連理枝天長地久有時盡此恨綿綿無絕期

上陽白髮人

天寶五載已後楊貴妃專寵後宮人無復進幸矣六宮有美色者輒

置別所上陽是其一也貞元中尚存焉

上陽人紅顏暗老白髮新綠衣監使守宮門一閉上陽多少春玄宗末歲初選入入時十六今六十同時采擇百餘人零落年深殘此身憶昔吞悲別親屬扶入車中不教哭皆云入內便承恩臉似芙蓉冑似玉未容君王

得見面已被楊妃遙側目妬令潛配上陽宮一生遂向  
空房宿秋夜長夜長無寐天不明耿耿殘燈背壁影瀟  
瀟暗雨打窗聲春日遲日遲獨坐天難暮宮鶯百轉愁  
厭聞梁燕雙栖老休妬鴛鴦歸燕去長悄然春往秋來不  
記年唯向深宮望明月東西四五百迴圓今日宮中年  
最老大家遙賜尚書號小頭鞋履窄衣裳青黛點眉  
細長外人不見見應笑天寶末年時世粧上陽人苦最  
多少亦苦老亦苦少苦老苦兩如何君不見昔時呂向

美人賦

天賢未有窈窕艷色者當時號  
北鳥使呂向獻美人賦以諷之

君不見今日上陽白髮歌

連昌宮詞

元稹

潘子真詩話云津陽門詩長恨歌連昌宮詞俱  
載開元天寶間事微之詞不獨富艷至長官清  
平太守好揀選皆言由相公委任責成治之興也祿  
山宮裏養作兒號國門前開如市險詖私謁無所  
不至安得不亂稹之叙事遂過二子

容齋隨筆云元微之白樂天在唐元和長慶間齊

名其賦詠天寶時事連昌宮詞長恨歌皆膾炙人  
口使讀書者情性蕩搖如身生其時親見其事殆  
未易以優劣論也然長恨歌不過述明皇追憶貴  
妃始末無他激揚不若連昌詞有監戒規諷之意  
如云姚崇宋璟作相公勸諫上皇言語切長官清平  
太守好揀選皆言由相公開元之末姚宋死朝  
廷漸漸由妃子祿山宮裏養作兒號國門前開如  
市弄權宰相不記名依稀憶得楊與李廟謨顛倒



四海搖五十年來作瘡痂其末章及官  
軍討淮西乞廟謀休用兵之語蓋元和十一

二年作殊得風人之旨非長恨比云

連昌宮中滿宮竹歲久無人森似束又有牆頭千葉桃  
風動落花紅簌簌宮邊老人為余泣少年選進因曾入  
上皇正在望仙樓太真同凭欄干立樓上樓前盡珠翠  
炫轉熒煌照天地歸來如夢復如癡何暇脩言宮裏事  
初過寒食一百六店舍無煙宮樹綠夜半月高絃索鳴

賀老琵琶定場屋力士傳呼覓念奴念奴潛伴諸郎宿  
須臾覓得又連催特勅街中許燃燭春紅滿眼睡紅銷  
掠削雲鬟旋裝束飛上九天歌一聲二十五郎吹管逐  
逡巡大偏梁州徹色色龜茲轟錄續李暮壓笛傍宮牆  
偷得新翻數般曲平明大駕發行宮萬人鼓舞途中  
百官隊伏避歧薛楊氏諸姨車闐風明年十月東都破  
御路猶存祿山過驅令供頓不敢藏萬姓無聲淚潛墮  
兩宮定後六七年却尋家舍行宮前莊園燒盡有枯井

行宮門闔樹宛然爾後相傳六皇帝不到離宮門久閉  
往來年少說長安玄武樓前花萼廢去年勅使因斫竹  
偶值門開暫相逐荆榛櫛比塞池塘狐兔嬌癡緣樹木  
舞榭歌傾基尚存文牕窈窕紗猶綠塵埋粉壁舊花鈿  
鳥啄風箏碎珠玉上皇偏愛臨砌花依然御榻臨堦斜  
蛇出燕窠盤鬬拱茵生香案正當衙寢殿相連端正樓  
太直梳洗樓上頭晨光未出簾影黑至今反掛珊瑚鈎  
指似傍人因慟哭却出宮門淚相續自從此後還閉門

夜夜狐狸上門屋我聞此語心骨悲太平誰致亂者誰  
翁言野父何分別耳聞目見為君說姚崇宋璟作相公  
勸諫上皇言語切燮理陰陽未泰豐調和中外無兵戎  
長官清平太守好揀選皆言由相公開元之末姚宋死  
朝廷漸漸由妃子祿山宮裏養作兒虢國門前鬧如市  
弄權宰相不記名依稀憶得楊與李廟謨顛倒四海搖  
五十年來作瘡痍今皇神聖丞相明詔書纔下吳蜀平官  
軍又取淮西賊此賊亦除天下寧年年耕種宮前道今

年不遣子孫耕老翁此意深望幸努力廟謨休用兵

行宮絕句

寥落古行宮宮花寂寞紅白頭宮女在閒坐說玄宗

杜秋娘詩杜秋金陵女也年十五為李錡妾後

錡叛滅籍之入宮有寵於景陵穆宗即位命秋

為皇子傅姆皇子壯封漳王鄭注用事誣丞相欲

去背已者指王為根王被罪廢削秋因廢歸故

鄉子過金陵感其窮且老而為之賦詩杜牧

南部新書云杜仲陽即杜秋也為潭王養母  
太和中潭王黜放歸浙西續詔令觀院安置  
兼加存卹故杜牧有杜秋詩稱於時

京江水清滑生女白如脂其間杜秋者不勞朱粉施老  
淖即山鑄後庭千蛾眉秋持玉斚飲與唱金縷衣淖既  
白首叛秋亦紅淚滋吳江落日渡灞岸綠楊垂聯裾見  
天子盼盼獨依依椒壁懸錦幕鏡奩蟠蛟螭低鬟認新  
寵窈窕復融怡月上白壁門桂影涼參差金階露新重

閒捻紫簫吹萼苔夾城路南苑鴈初飛紅粉羽林仗獨  
賜辟邪旗歸來煮豹胎饜飫不能飴咸池昇日慶銅雀分  
香悲雷音後車遠事往落花時燕謀待皇子壯髮綠綫  
綏畫堂授傅姆天人親捧持虎睛珠絡裾金盤犀鎮帷  
長楊射熊羆武帳弄啞咿漸拋竹馬戲稍出舞雞奇嶄  
然整冠佩侍晏坐瑤池眉宇儼圖畫神秀射朝暉一尺  
桐偶人江充知自欺王幽茅土削秋放故鄉歸觚稜拂  
斗極回首尚遲遲四朝三十載似夢復疑非潼關識舊

吏吏髮已如絲却喚吳船渡舟人爭得知歸來四鄰改  
茂苑草菲菲清血洒不盡仰天知問誰寒衣一匹素夜  
借鄰人機我昨金陵過聞之為歔歔自古皆一貫變化  
安能推夏姬滅兩國逃作巫臣妻西子下姑蘇一舸逐  
鴟夷織室魏豹俘作漢太平基誤置代籍中兩朝尊母  
儀光武紹高祖本係生唐兒珊瑚破高齊作婢舂黃麋  
蕭后去揚州突厥為閼氏女子固不定士林亦難期射  
鉤後呼父釣翁王者師無國要孟子有人毀仲尼秦因



逐客令柄歸丞相斯安知魏齊首見斷簣中屍給喪蹶  
張輩廊廟冠峨危珥貂七葉貴何妨戎虜支蘇武却生  
還鄧通終死饑主張既難測翻覆亦其宜地盡有何物  
天高復何之指何為而捉足何為而馳耳何為而聽目  
何為而窺已身不自曉此外何思惟因傾一樽酒題作  
杜秋詩愁來獨長詠聊可以自怡

竹莊詩話卷十一